



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Wolfgangus Zobellus Abbas XLVII.

[urn:nbn:de:hbz:466:1-64362](#)

gligentia oriri intelligeret Melchior (simul quod justissimæ Religiosorum contra Abbatem querelæ accederent, quem conflâsse magna debita, & bona multa vendidisse ægrè ferebant) Leonardum loco motum suam in arcem primùm, dein in Monasterium S. Stephani transtulit; ibi biennio commoratus Abbatiam Auracensem ad Salam fluvium obtinuit à Friderico Ep. Wirc. rursus ab hoc officio paulò pòst amotus in Monasterio S. Jacobi Scotorum extra urbem degere jussus, ibidem fatis defunctus est.

WOLFFGANGUS Zobellus ABBAS XLVIII.

Wolfgangus Zobellus *Tubaro - Röttingensis*
Leonardum secutus est 1556. pridie Joannis Baptistæ, eò præclarioribus ad sustinendam hanc dignitatem dotibus ornatus, quò plures in ejus Antecessore desiderabantur. Corpus quidem infirmum & debile, mentem excelsam nactus erat; cùmque disciplinæ religiosæ ipse studiosissimus esset, ad amplectandam illam gregem subditum nullo pene negotio permovit. Magnam debitum, quæ Leonardus patrimonii S. Felicitatis in-

G 2

felix

felix decoctor, conflārat, partem exolvit, & redemptā à Nobilibus de Wichenstein decimā in Kiesenbach, domum pro infirmis loco commodo exstruxit. Præterea intelligens Wolfgangus Abbatem Langheimensem Fridericum ægriū latrum esse, oppignoratam decimam & censū in Escherndorff & Ostheim redimi; Bonorum istorum usumfructum Georgio Ludovico à Seinheim concessit, suā ut operā & auctoritate bona ista recuperaret. Quod etiam præstítit; anno Christi 1563. ætatis suæ quadagesimo Wolfgangus paralyſi tactus ex hac vita decessit.

JOANNES Burckardi, h. n. IV. ABBAS XLIX.

Conceptum ex Wolfgangi morte dolorem brevi abstersit auspicatissima Joannis Burchardi Weissenburgensis Norici electio; in quo, quidquid in Wolfgango amiserat, cumulate Monasterium recepit, Abbatem numeris omnibus absolutum: Electus an. ætatis 26. festo S. Joannis Baptistæ Abbatis insignibus condecoratus fuit A.C. 1563. Quoad vixit, Præsulum laudatissimorum vestigiis insistens multa fecit, ex quibus & illi & Monasterio